



*Dr Därwiler Dursli
mit em Guschti und em Schosi
„Mir gän allnä d'Hand“*

1.

Änand d'Hand nid gäh – da'sch dr Gipfel
Erscht no selektiv – numä dänä nid – ohni Zipfel
Doch ohni Zwiefel – äs isch eso
So Spinner - müen - us Ettigä cho

denn

„Dr Därwiler Dursli dreit drei düri Dörn dur's Därwiler Dörfli durä“

2.

Dä Plakettäfehle – hän mir mit Bedacht
Äxtra für unseri Nochberä – d'Ettiger gmacht
Dass sich dört - im Schattä – die Trottülä
Eimol - ä bitz besser föhlä

-

... und ohni Hilf – si gäns zu unumwundä
dä Fehler - hättä si sälber nie usägfundä

3.

„Düent doch d'Kunschtsammlig vrchaufä“ – meint dr Ringgäberg im Landrot –
ganz ohni Witz
So blibt's Kantons-Budget schwarz – jä - er rächnet ganz spitz
Hansi – ä Tip – nid dr Kultur zu Laschtä
Due bim Ässä sparä und chli faschtä

4.

Hesch gseh – die strammä Wadä - die Musglä – schwärmt begeischeret s'Vroni
Erscht dä Hüftschwung – mi chriblet's im Buch – meint au s'Moni
Und im Rosi - au im Miggi - lauft nid nur vor Hitz dr Schweiss
Im Luki sini Chüe - si uf dr Munthero heiss

5.

Dr Stepp-König Angelo Bohrer - sig zurugg us Hollywood - er heb ä Mission
Dr Därwil Ehräpris – isch si schönschtä Lohn
Er git jetzt – für ihn ä bsunderi Ehr
Im Wärrhof - Intensivkurs in Bewegigslehr

6.

Cha das denn si? Han ich's im Ohr?
S'Wiehnachts-Konzärt vom Chilchächor

7.

In Polä isch jetzt s'Eländ gross
Was machä all die hübschä Polinä bloss
Grossi Trur - nieme Schwiitz – und kei Vision
Ihrä Samsi isch jetzt in Pension

8.

Blond, ä steili Frisur und ä glattä Huet
Z'erscht schwätz's – bevor's dängä duet
Wenn das mit därä Trump-Wällä so witergoht
Chunt d'Inès no in Bundesrot

9.

Im «Wägmacher – ledig – suecht» – vor Freud do hörsch ein fluechä
S'Gmeinds-TV duet dr standfeschtischt Gmeindsarbeiter suechä
Nach 40 Jahr stoht dr Sieger fescht
Dr Gutzwiller Stäffi isch dr Bescht

10.

Dr Männerchor Därwil muess im Nachwugs nochäspringä
Es sig hüt bi dä Jungä nüm in – im Chor go singä
D'Lag isch ärnscht – wenn die Domspatz-Dolä
Dr Nachwuchs - müen in Ettigä holä

denn

„Dr Därwiler Dursli dreit drei düri Dörn durs Därwiler Dörfli durä“

... und ä schöni Fasnacht wünsch dr Guschti, dr Schosi und dr Dursli